

Kontuola

ANTZUOLA / Egubakoitza / 2003ko otsailaren 21a / 147. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02

Haur Hezkuntzako ziklo osoa eskatuko diote Jaurlearitzari

AINZANE IRIZAR

Eusko Jaurlearitzak 0 eta 3 urte bitartekoen Haur Hezkuntza arautzen duen dekretua indarrean jarri berri du. Hori dela eta, Antzuolako Herri Ikastetxeak zera eskatuko dio Jaurlearitzari: Haur Hezkuntzako ziklo osoa jaso eta ziurta dezala Antzuolan.

Horixe jakinarazi zion Herri Ikastetxeko zuzendariak Udalari, azkeneko osoko bilkuran aurkeztutako idatzi baten bitartez. Jakinarazpen horrekin batera, bere laguntza ere eskatu zion Udalari. Osoko bilkura horretan, udalbatzak aho batez erabaki zuen Herri Ikastetxeari bere laguntza ematea, Hezkuntza Sailko ordezkarien aurrean egin behar diren kudeaketa lanetan.

Jaurlearitzak emango duen hurrengo urratsa izango da Haur Hezkuntzaren mapa egitea; mapa horretan aurrez ikusiko dute zein herri eta ibarretan dagoen zerbitzua jartzeko beharra.

BATZORDEA OSATUKO DUTE


Herri Ikastetxeko arduradunek azaldu digutenez, zerbitzuaren gaia lantzeko batzorde bat osatuko dute. Izan ere, lan handia dago egiteko, eta euren esanetan, beharrezkoa da irakasle, aditu eta gurasoen ikuspuntuak jaso eta elkarrekin lan egitea.

Batzorde hori osatzeko lehen-dabiziko urratsak eman dituzte dagoeneko; hainbat irakasle izendatu dituzte batzorde horretan lan egiteko, eta gurasoekin hasi dira hartu-emanak izaten.

Alde batetik, azpiegituraren kontua aztertu beharko du batzorde horrek; izan ere, Jaurlearitzaren dekretuak gutxienezko baldintza batzuk ezartzen ditu egoitzei dagokienez. Aukera izatekotan, haurtzaindegia non jarri aztertu beharko dute. Bestalde, Hezkuntza Sailarekin etengabeko harremana izan beharko du batzorde horrek, prozesu burokratikoaz arduratu beharko du.

ZERBITZUAREN FUNTZIONAMENDUA

Azkenik, eta hauxe da punturik garrantzitsuen ikastetxeko ardu-



ARTXIBOA

Gero eta zerbitzu gehiago dago Antzuolan; aurtengo ikasturtean, esaterako, jantokia estreinatuko dute Herri Ikastetxean.

radunen ustez, 0 eta 3 urte bitartekoen zerbitzuaren funtzionamendua aztertu beharko du batzorde horrek. Puntu honetan, batez ere, oso garrantzitsua izan-

go da batzordeko kide guztien ikuspuntua kontuan hartzea.

Ikastetxeko irakasleen esanetan, "adin kritikoak dira ume txiki horienak, eta kontu handiz

aztertu beharreko gaia da haurtzaindegia". Adituen esanetan, umeak eskolan ordu gehiegi pasatzea ez da batere komenigarria.

Pausoka gurasoen elkarteak inkesta egin zuen

Herri Ikastetxeko gurasoen elkarteak, Pausokak, aspalditik darabil herrian haurtzaindegi edo zaintza zerbitzua jartzeko ideia. Izan ere, zerbitzu horren beharra eta hutsunea ikusten dute herrian. Beste ezertan hasi aurretik, baina, inkesta bat egitea pentsatu zuten, ume txikiak dituzten gurasoek gai horren gainean duten iritzia ezagutzeko.

Gauzak horrela, ikasturte hasieran, ia zoko urrian, 0 eta 3 urte bitarteko seme-alabak dituzten gurasoen artean inkesta bat banatu zuten Pausokako kideek. 60 gurasoren artean, hain zuzen ere, egin zuten aipatutako inkesta hori. Bertan, hainbat galdera egin zizkieten gurasoei,

hala nola: ea euren umeak haurtzaindegi-
ra eramango lituzketen eta zaintza zerbitzurik erabiliko luketen.

Inkesta horretako emaitzen arabera, guraso guztiek ikusten dute beharrezkoa herrian haurtzaindegia edo zaintza zerbitzua jartzea. Gainera, inkestatutako guraso gehienek erabiliko lituzkete aipatutako zerbitzu horiek.

Emaitza horiek ikusita, beraz, badirudi Antzuola herri txikia izanik ere, gero eta zerbitzu gehiago behar dituen herria dela, edo hala eskatzen dutela, behintzat, herritar askok. Urrutirago joan barik, hor daukagu, esaterako, aurtengo ikasturtean estreinatuko den eskolako jantoki zerbitzua.

LABUR

Aralar alderdiak aurkezpena egingo du eguenean

Datorren asteko eguenean, hilaren 27an, bere proiektuaren aurkezpena egingo du Antzuolan Aralar alderdiak. Udaletxeko osoko bilkuren aretoan egingo dute aurkezpena, 19:30ean; Juan Martin Elexpuru eta Mikel Basabe Aralarako kideak izango dira hizlariak.

Aurkezpen horren helburua da, alderdiaren proiektua bera herritarrei aurkeztea gainera, Aralar alderdiaren talde bat osatzea Antzuolan bertan.

Herriko Paleta Txapelketan izena emateko aukera

Urtero moduan, Paleta Txapelketa antolatzen dihardute Olalde pilota elkarteak. Martxoaren 3ra arte egingo da Paleta Txapelketan izena emateko aukera, 10 euro ordainduta. Horretarako, Olaldeko kideengana jo dezakezue; Juan Tomas Erostege, Juan Simon Aristi, Josu Zabalo edo Balendin Zabalorengeana, hain zuzen ere. Bi mailatan jokatu da Paleta Txapelketa, eta parte hartzeko, 15 urte baino gehiago eduki beharko da.

Egubakoitzean ospatuko dituzte Inauteriak umeek

Datorren asteko egubakoitzean, hilaren 28an, ospatuko dituzte Inauteriak herriko umeek. Egun horretan mozturrotuta joango dira eskolara eta hurrengo aste osoa jai izango dute. Egubakoitz arratsaldean, 16:00ak aldera, txokolate eta torrada jana izango dute Zurrategin; horren ondoren, 17:00ak inguruan, Zirko Tripiaren emanaldia ikusteko aukera izango dute Zurrategi plazan bertan. Eguraldi txarra egiten badu, frontoian egingo dituzte ekitaldi horiek.

ANTZUOLA HERRIA IKERKETA BEKA

Herriko ohitura zaharren gaineko liburua aurkeztuko dute domekan

AINZANE IRIZAR

Domeka eguerdian aurkeztuko du Iñigo Ramírez de Okariz historiagileak *Bizitza pasarteak Antzuolan* liburua. Aurkezpen horrekin lotuta, baserriarren jantzien erakusketa egongo da ikusgai Olanen etxean, oraingo eta datorren asteburuetan.

Mezaren ostean aurkeztuko dute liburua, udaletxeko osoko bilkuren aretoan. Hantxe egongo dira Iñigo Ramírez de Okariz bera, Mireia Unamuno Antzuolako alkatea eta Kultura batzordeko Josune Irizar.

BIZITZA PASARTEAK AZTERGAI

XX. mendeko ohiturak aztertzen ditu Iñigok liburu horretan, 1900. urtetik 1960. urtera artekoak, hain justu ere. Liburuaren lehen zatian, garai hartako Antzuola zelakoa zen azaltzen digu; orduko Antzuolaren deskribapena egiten digu, biztanleriari, ekonomiari eta beste hainbat arlori dagokienez. Hortik aurrerakoak, berriz, bizitza pasarteetan oinarritzen ditu: jaiotzaren eta



Datozen bi asteburuotan egongo da Olanen baserriarren jantzien erakusketa.

bataioaren gaineko ohiturak, haurtzarokoak, eskolakoak, umeen jolasen gainekoak, ezkontzetakoak eta heriotzaren gaineko kontuak aztertu ditu, besteak beste.

Liburuaren aurkezpenarekin lotuta, baserriarren antzinako jantzien erakusketa antolatu du Udalak. Oraingo asteburuan eta hurrengoan egongo da ikusgai, Olanen etxean, ohiko ordutegian.

HERRI EKIMENA

Plataforma berria aurkeztuko dute

AINZANE IRIZAR

Herrian plataforma berria osatu dute, ezker abertzalearen ideiak defendituko dituzena, hain zuzen ere. Bihar, zapatua, aurkeztuko dute plataforma hori, Herriko Plazan, 13:00etan. Aurkezpenarekin lotuta, kalejira eta luncha ere antolatu dituzte.

Plataforma horri, gainera, izen berezia jarri diote, ekimenaren bultzatzaileek adierazi digutenez. Hitz-jokoa erabili dute plataformaren izena osatzeko, baina zapatu eguerdira arte itxaron beharko dugu izena jakiteko. Halaxe nahi izan dute plataformako kideek.

HIRU PUNTUTAN OINARRITUTA

Plataformako kideek azaldu digutenez, ezker abertzalearen ideiak defendatzeko sortu dute herri plataforma hori. Ezker abertzalearen inguruko hainbat herritar elkartu dira plataforma osatzeko, maila pertsonalean, betiere.

Plataformaren lana eta nondik norakoak zehaztuko dituz-

ten helburuak ere finkatu dituzte plataformako kideek, hiru puntu oinarri hartuta.

Zapatuko aurkezpen ekitaldian azalduko duten moduan, "autodeterminazio eskubidearen alde" egingo du talde horrek. Horrekin lotuta, Euskal Herriak bere etorkizuna erabakitzeke duen eskubidea aldarrikatzen dute eta Udalbiltzarekiko euren konpromisoa azaltzen dute.

Bestetik, "baldintza demokratikoen alde" lan egingo du, "eskubide guztiak errespetatuko diren etorkizun berria erakitzeke konpromisoarekin".

Azkenik, ezkerreko ikuspuntutik, "herritarren bizi baldintzak hobetzearen alde" lan egingo dute, besteak beste, "Euskal Herriarendako esparru ekonomiko propioa lortzeko bidean urrats berriak" emanaz.

Plataformaren oinarrietako batzuk besterik ez da hemen azalduko hauek. Zapatuko aurkezpenean, baina, zabalago azalduko dituzte plataformaren helburu eta oinarriak. Hala, nahi duen guztia dago aurkezpenean eta plataforman pate hartzera.

HERRITARREN HITZA / Usoa Agirre · Ikaslea

Zer da GOITB???!?!?

KONTUOLA irakurtzen ari nintzela iragarki batek kerakarri zuen nire begirada. Honako hau zioen: "Antzuolaren gainean berbetan, Mireia Unamuno alkatea GOITBn". Xelebrea iruditu zitzaidan; ezagutzen ez nuen telebista batean, gure herriko alkatea berbetan, hau gauza arraroa! Saioa ikusteko irrika sortu zitzaidan bat-batean, eta hor hasi nintzen telebista aparatuekin borrokan, ditzosozko GOITB hori sintonizatu nahian. Alferrrik baina. Telebista aparatuen edo antenaren arazoa izango zela

pentsatu nuen; izan ere, KONTUOLA-n horrela iragarri zergo, antzuolarrok ikusteko izango da ba, ezta? Teilatura igo eta antena alde batera eta bestera mugitzen hasi nintzen. Ez zuen ez giro ederra egiten hor goian, baina ni neurearekin. Hor aritu nintzen ia antena puskatu beharrean. Baina alferrrik. Guztiz etsi gabe, lagun bati deitu nion. GOITB zer ote zen



"Zergatik ezin dugu antzuolarrok GOITB ikusi?"

galdetu orduko barre algaraka hasi zitzaidan. Niri aurpegira barrez, alajaina! "Ziur al zaude ez dakizula?", galdetu zidan ironiaz. Munduko pertsonarik ezjakienena nintzela sentitu nuen. "Badakit! Parabolikoa beharko da!". Hori bururatu orduko argitu zidan zalantza lagunak. GOITB Debagoieneko telebista ei da (Antzuola bailara

horretan dago, ez bazenekiten ere). 2000. urtean sortu zen eta Antzuolako Udalak diruz laguntzen du, bailarako gainontzeko herriko udalekin batera. Sortu zenean oihartzun handia izan ei zuen telebistak, baina Antzuolan ere. Baina, nola gogoratuko nintzen, bada, orain dela hiru urteko albiste batekin? Izan ere, Antzuolan albiste soilean geratu zen gertakizuna. Bailarako herri gehienetan ikusten da, baina Antzuolan ez. Hasieran nuena baino zalantza handiagoa sortu zait: zergatik ezin dugu antzuolarrok GOITB ikusi?

KIROLA

PARTIDUAK

PILOTA

Zapatua, otsailak 22 (Udaberri Saria)
17:30: Olalde-Landare (Nag. paletaz)
Antzuolako pilotalekuan



EMAITZAK

FUTBOLA

Antzuola 4 Urki 1 (2. erreg.)
Amara Berri 2 Antzuola 4 (Gazteak)

PILOTA

Gipuzkoako Kluben Arteko Txap.
Olalde-Murumendi (infant)... 18-15
Udaberri Saria
Eibar-Olalde (nag. eskuz) ... 5-22
Oiangui-Olalde (nag. paletaz) ... 35-13



Bidea eginez

Tailerra: Uzarraga bidea, 10. Antzuola. Tf. 943 78 71 78
Erakusketa: Kalebarren, 1. Antzuola. Tf. 943 78 71 79, Tf. eta F. 943 76 64 73

- Gasa
- Berogailuak
- Haire egokitua
- Enpresen mantenimendua
- Lurrin instalazioak
- Bero-aurrezteak
- Bainugelak. Proiektuak momentuan DIBaren bidez
- Birgaitze-espeditentak bideratzen ditugu



Jose Gomez Abad

Errekalde 6, 4-B.
Antzuola
943 76 60 19
943 76 60 43
Faxa:
943 76 60 19

INDUSTRI MANTENIMENDUA